

ԲՄԿ ՊՈՒՀ ՌՈՒՍ-ՀԱՅԿԱԿԱՆ (ՍԼԱՎՈՆԱԿԱՆ)

ՀԱՄԱԼՍԱՐԱՆ



**Հաստատում եմ
Է.Մ. Սանդոյան**

№ 005347 » 2025թ.

ԿՐԹԱԿԱՆ ԾՐԱԳՐԻ ՆԿԱՐԱԳՐՈՒԹՅՈՒՆ

**Մագիստրոսի կրթական ծրագիր՝ 031201.09.7 – Կիրառական
քաղաքագիտություն**


Դասիչ մասնագիտություն՝ 031201.00.7- Քաղաքագիտություն

Ուսուցման ձևը՝ Առկա

Համաձայնեցված է՝

Միջազգային հարաբերությունների և հասարակաքաղաքական
գիտությունների ինստիտուտի տնօրեն


Մարգարյան Ե.Հ.



(ստորագրություն)

Կ.Ա. Միրումյանի անվ. Քաղաքագիտության Ամբիոնի վարիչ


Մարգարյան Հ.Լ.



(ստորագրություն)

Կրթական ծրագրի ղեկավար

Դավթյան Վ.Ս.



(ստորագրություն)

1. ՀԻՄՆԱԿԱՆ ՄԱՍՆԱԳԻՏԱԿԱՆ ՈՒՍՈՒՄՆԱԿԱՆ ԾՐԱԳՐԻ ԱՆՁՆԱԳԻՐ

«Կիրառական քաղաքագիտություն» մագիստրոսի կրթական ծրագիր, իրագործվող ԲՄԿ ՊՈԻՀ Ռուս-Հայկական (Սլավոնական) համալսարանի կողմից **«031201.09.7»**
«Կիրառական քաղաքագիտություն»:

«Կիրառական քաղաքագիտություն» մագիստրոսի կրթական ծրագիրը իրագործվում է առկա կրթության ձևով:

«Կիրառական քաղաքագիտություն» մագիստրոսի կրթական ծրագրով ուսումնառության ժամկետը կազմում է 2 տարի:

«Կիրառական քաղաքագիտություն» մագիստրոսի կրթական ծրագրի ծավալը կազմում է 120 կրեդիտ:

2. ԿԻՐԱՌԱԿԱՆ ԲԱՂԱՔԱԳԻՏՈՒԹՅՈՒՆ» ՄԱԳԻՍՏՐՈՍԻ ԿՐԹԱԿԱՆ ԾՐԱԳՐԻ ԲՈՎԱՆԴԱԿՈՒԹՅՈՒՆԸ

2.1. Ծրագրի բովանդակությունը, նպատակի և խնդիրների մանրամասն նկարագրությունը, կրթական ծրագրի ակտուալությունը և յուրահատկությունը, տվյալ կրթական ծրագրի/մասնագիտության շրջանավարտների կարիքը աշխատաշուկայում:

«Կիրառական քաղաքագիտություն» մագիստրոսի կրթական ծրագրի նպատակն է ապահովել որակյալ, մրցունակ մասնագետների համապարփակ և որակյալ պատրաստում, զարգացնել կիրառական խնդիրները լուծելու հմտությունները, քաղաքական և պետական կառավարման ոլորտներում իրավիճակների մոդելավորման և կանխատեսման կարողությունները: Ծրագրի դասախոսները հանդիսանում են խոշոր դրամաշնորհային ծրագրերի ղեկավարներ, աշխատում են քաղաքական խորհրդատվության ոլորտում, ակտիվորեն գիտական և փորձագիտական հոդվածներ են հրապարակում ամսագրերում: Ծրագիրը կենտրոնացած է համաշխարհային քաղաքագիտության և պրակտիկայի վերջին նվաճումների վրա և մասնագիտական աճի լայն հնարավորություններ է ընձեռում իր շրջանավարտներին:

Շրջանավարտները կարող են ձեռք բերված գիտելիքները կիրառել քաղաքական և պետական կառավարման, քաղաքական փորձաքննության, խորհրդատվության, PR, GR և մեդիա ոլորտներում:

«Կիրառական քաղաքագիտություն» կրթական ծրագիրը ապագա քաղաքագետին հնարավորություն կտա աշխատելու պետական կառավարման, միջազգային կազմակերպությունների, քաղաքացիական հասարակության կազմակերպություններում, ՉԼՄ-ներում, ուղեղային կենտրոններում, հետազոտական կառույցներում որպես քաղաքական խորհրդատուներ, փորձագետներ, PR և GR-մենեջերներ, քաղաքական վերլուծաբաններ և կիրառական հետազոտություններ իրականացնող մասնագետներ, ինչպես նաև որպես գիտաշխատողներ գիտահետազոտական հաստատություններում և բուհերին կից հետազոտական կենտրոններում:

«Կիրառական քաղաքագիտություն» կրթական ծրագրի շրջանակներում շրջանավարտները պատրաստվում են լուծելու մասնագիտական հետևյալ խնդիրները.

- Կազմակերպչա-կառավարչական;
- Փորձագիտավերլուծական;
- Գիտահետազոտական;
- Խորհրդատվական:

Կազմակերպչա-կառավարչական գործունեություն

- քաղաքական կուսակցությունների և հասարակական-քաղաքական միավորումների ապարատում, տեղական ինքնակառավարման մարմիններում պետական մարմիններում կառավարման գործընթացների կազմակերպում և օպտիմալացում;
- տեղական ինքնակառավարման մարմիններում, քաղաքական կուսակցությունների և հասարակական-քաղաքական միավորումների, տեղական ինքնակառավարման մարմինների, բիզնես կառույցների և լրատվամիջոցների ապարատներում կառավարման գործընթացների կազմակերպմանը մասնակցություն;
- մասնակցություն քաղաքական քարոզարշավներին, ընտրական գործընթացի կազմակերպմանը, խորհրդատվական աշխատանքներին;

- սոցիոլոգիական հետազոտությունների տվյալների մշակում հետագա քաղաքական վերլուծությունների համար;
- քաղաքական հակամարտությունների և վեճերի լուծման ոլորտում կառավարում;
- քաղաքագիտության գիտական հետազոտությունների ոլորտում նախագծերի կազմակերպում և կառավարում;

Փորձագիտավերլուծական գործունեություն

- քաղաքական կուսակցությունների/հասարակական կազմակերպությունների բրենդինգի իրականացում;
- միջազգային և տարածաշրջանային մակարդակով փորձագիտական և վերլուծական աշխատանքների իրականացում՝ օտարալեզու նյութերի օգտագործմամբ;
- քաղաքական շուկայի սեզմենտավորում և իմիջային մոդելի մշակում քաղաքական առաջնորդի/քաղաքական կուսակցությունների համար;
- քաղաքագիտական թեմաներով գիտական հետազոտությունների վերլուծություն և քննություն;
- քաղաքական և տնտեսական միջազգային համագործակցության իրականացման համար առկա առաջարկների գնահատում և նոր առաջարկների մշակում;
- Ռուսաստանում, Հայաստանում և արտերկրում քաղաքական գործընթացների մասին ռուսերեն, հայերեն, անգլերեն լեզուներով տեղեկատվություն հավաքելու, մշակելու, վերլուծելու և ներկայացնելու ունակություն:

Գիտահետազոտական գործունեություն

- մասնակցություն քանակական և որակական հետազոտությունների իրականացմանը, տվյալների բազաների ստեղծմանը, տվյալների մշակմանը և ստացված արդյունքների որակական մեկնաբանմանը;
- գիտական տեքստերի պատրաստում գիտական ամսագրերում տպագրելու համար;
- գիտական սեմինարներին, գիտաժողովներին, կլոր սեղաններին մասնակցություն;
- GR-ի, PR-ի և քաղաքական կառավարման ոլորտներում գիտական հետազոտությունների իրականացում;

- ՁԼՄ-ների մոնիտորինգ և վերլուծություն, մեղիա խթանման ռազմավարությունների մշակում:

Խորհրդատվական

- գիտական խորհրդատվության, վերլուծության և փորձաքննության կազմակերպում;
- տեղեկատվական և խորհրդատվական աշխատանքի կազմակերպում պետական կառավարման մարմիններում, ինչպես նաև ոչ պետական քաղաքական կազմակերպություններում;
- քաղաքական լրատվամիջոցների, քաղաքական տեղեկատվական ռեսուրսների կառավարման խորհրդատվության կազմակերպում:

2.2. Բակալվրի կրթական ծրագրի պարտադիր բաղադրիչներն են պրակտիկայի ուսումնական և արտադրական տեսակները՝

- Ուսումնական պրակտիկայի ձևերը՝ գիտահետազոտական աշխատանք; գիտահետազոտական պրակտիկա:
- Արտադրական պրակտիկայի ձևերը՝ մանկավարժական պրակտիկա, ավարտական աշխատանքի թեմայով գիտահետազոտական աշխատանք (նախադիպլոմային աշխատանք):

Պրակտիկան՝ որպես մասնագետների պատրաստման կարևոր բաղադրիչ, ուղղված է սովորողների մասնագիտական կոմպետենցիաների՝ հմտությունների, կարողությունների և ունակությունների ձևավորմանը: Հիմքում ընկած է տեսական գիտելիքների և գործնական կարողությունների ինտեգրայլը:

Ուսումնական պրակտիկայի նպատակն է ամրապնդել և խորացնել ուսումնառության ընթացքում ուսանողի ձեռք բերած տեսական գիտելիքներն ու նպաստել մասնագիտական կարողությունների և հմտությունների ձևավորմանը:

Արտադրական պրակտիկայի նպատակն է մասնագիտության կրթական ծրագրի մեջ ներառված դասընթացներին ստացած գիտելիքների ամրապնդումը և խորացումը, մասնագիտության կրթական ծրագրերում նշված անհրաժեշտ գործնական հմտությունների և կարողությունների ձեռք բերումը: Արտադրական պրակտիկան

կազմակերպվում և անցկացվում է համալսարանի և տվյալ կազմակերպության կամ ձեռնարկության միջև կնքված պայմանագրերի հիման վրա:

«Կիրառական քաղաքագիտություն» մագիստրոսի կրթական ծրագրի արտադրական պրակտիկայի նպատակներն են՝

- հետազոտական գործունեության գործնական հմտությունների խորացում;
- հետազոտությունների նպատակի, խնդիրների ձևակերպման, նախապատրաստման, կազմակերպման, իրականացման, արդյունքների ամփոփման կարողությունների ձևավորումը:

- հետազոտության էմպիրիկ հիմքի համակարգումը, հետազոտության արդյունքների մշակումը, գնահատումը և մեկնաբանությունը;

- ինքնուրույն հետազոտության ունակություն՝ ավարտական որակավորման աշխատանքի թեմային համապատասխան;

- ուսումնասիրության վերջնական եզրակացությունների ձևավորում և ուսումնասիրվող խնդրի վերաբերյալ գիտականորեն հիմնավորված առաջարկությունների և գործնական լուծումների առաջադրում:

2.3 «Կիրառական քաղաքագիտություն» մագիստրոսի կրթական ծրագրի պետական ավարտական ատեստացիան ներառում է՝

- ավարտական աշխատանքի կատարումը և հրապարակային պաշտպանությունը:

3. «ԿԻՐԱՌԱԿԱՆ ՔԱՂԱՔԱԳԻՏՈՒԹՅՈՒՆ» ՄԱԳԻՍՏՐՈՍԻ ԿՐԹԱԿԱՆ ԾՐԱԳՐԻ ԱԿՆԿԱԼՎՈՂ ԿՐԹԱԿԱՆ ՎԵՐՋՆԱՐԴՅՈՒՆՔՆԵՐԸ

«Կիրառական քաղաքագիտություն» մագիստրոսի կրթական ծրագրի ավարտին ուսանողն ունակ կլինի.

Գիտելիքները՝

1. Թվարկել քաղաքագիտական հիմնական հասկացություններն ու սահմանումները և տեղայնացնել դրանց իմաստն ու նշանակությունը հայ իրականության մեջ:

2. Ներկայացնել և համեմատել քաղաքագիտական բովանդակությամբ օտարալեզու մասնագիտական տեքստեր, ինչպես նաև մասնագիտական թարգմանություններ կատարել;
3. Բացատրել քաղաքական տեսությունների ձևավորման ու զարգացման օրինաչափությունները, անցած դարաշրջաններում պետության, քաղաքականության մասին ձևավորված առավել կարևոր տեսական հայեցակարգերը:
4. Ձևակերպել քաղաքական մտքի և քաղաքագիտական դպրոցների առավել հայտնի ներկայացուցիչների հիմնական գաղափարները:

Հմտությունները՝

• գիտելիքի կիրառման հմտությունները՝

1. Գործնականում կիրառել քաղաքական կանխատեսման, ընտրությունների, ինչպես նաև ընտրական տեխնոլոգիաների կիրառման ոլորտներում ձեռք բերված գիտելիքները:
2. Իրականացնել համեմատական քաղաքագիտության կիրառական և մեթոդաբանական գործիքակազմով քաղաքական համակարգերի, գաղափարախոսությունների, քաղաքական ինստիտուտների տիպավորում և դասակարգում:
3. Վերլուծել ժամանակակից քաղաքական գործընթացները:
4. Գործնականում կիրառել քաղաքագիտական տեսությունները սոցիալ-քաղաքագիտական խնդիրների վերլուծության ժամանակ:
5. Վերլուծել և գնահատել ժամանակակից միջազգային հարաբերությունները, եվրասիական ինտեգրացիոն և համաշխարհային քաղաքականության գործընթացները:
6. Տեղորոշել քաղաքական մշակույթի հիմնահարցերը:

• ***ընդհանրական իմացական հմտությունները՝***

1. Բնութագրել, գնահատել հասարակական-քաղաքական, սոցիալ-տնտեսական գործընթացները և պատճառահետևանքային կապ հաստատել նրանց միջև:
2. Մասնակցել բազմաբնույթ քննարկումների, վերլուծել առկա խնդիրները և գնահատել դրանց լուծման համար անհրաժեշտ հնարավորությունները:
3. Փաստարկել ու հիմնավորել ինքնուրույն և խմբային աշխատանքների և քաղաքագիտական ուսումնասիրությունների ուղղություններն ու օբյեկտները:
4. Իրականացնել մասնագիտական հաղորդակցությունը բանավոր և գրավոր ձևաչափով՝ ռուսերեն, հայերեն լեզուներով:
5. Պատրաստել զեկույցներ, ներկայացնել հետազոտական աշխատանքների արդյունքները, վարել գիտական բանավեճեր:

Կարողունակությունը (կոմպետենցիան)՝

6. ինքնուրույնությունը և պատասխանատվությունը՝

1. Արդյունավետորեն պլանավորել ժամանակն ու մարդկային ռեսուրսները:
2. Արժևորել և գնահատել մասնագիտական ոլորտի աշխատանքների արդյունավետությունը բարձրացնելու առաջարկները:
3. Պահպանել մասնագիտական էթիկայի նորմերը:
4. Վերարտադրել ժամանակակից տեղեկատվական տեխնոլոգիաների աշխատանքային սկզբունքները, կատարել վիճակագրական աշխատանքներ, ինչպես նաև պաշտպանվել արտակարգ իրավիճակներում և պատերազմական պայմաններում:

7. «Կիրառական քաղաքագիտություն» մագիստրոսի կրթական ծրագրի պահանջարկը.

Ժամանակակից քաղաքականության բազմազանությունը պահանջում է վերլուծության տարբեր մակարդակների համադրություն՝ անհատականից մինչև

գլոբալ, ինչպես նաև տարբեր գործիքների կիրառում՝ քանակական և որակական: “Կիրառական քաղաքագիտություն» մագիստրոսի կրթական ծրագիրը մրցակցային է և արդի, քանի որ սույն ծրագիրը թույլ է տալիս պատրաստել քաղաքական գիտությունների մի քանի ոլորտների (քաղաքական ինստիտուտներ, գործընթացներ, քաղաքական գիտության պատմություն, քաղաքական տեսություն, միջազգային հարաբերություններ) հիմնարար մասնագիտացված կադրեր: Ըստ որում, պարտադիր մասնագիտական մոդուլներին զուգահեռ, կամընտրական առարկաների միջոցով ծրագիրը հնարավորություն է տալիս տիրապետել օտար լեզուների և ձեռք բերել հատուկ կարողություններ՝ մասնագիտական թարգմանություններ իրականացնելու համար: Ծրագրի առավելություններից են նաև նրա միջառարկայական և ներառարկայական կապերը, որոնք հնարավորություն են տալիս ձեռք բերել ներածական գիտելիքներ միջազգայնագիտական, տնտեսագիտական և իրավագիտական ոլորտներում, ինչպես նաև մասնագիտական կարողություններ վերոհիշյալ ոլորտություններով հետագա մագիստրոսական կրթությունը շարունակելու համար: